

প্রথম প্রকাশ জুলাই ১৯৬০

বি. দত্ত

সাহিত্য প্রকাশ

রাজবাড়ী

কলকাতা-৫১

নিরঞ্জন দত্ত

মডার্ন প্রিন্টার্স (ইণ্ডিয়া)

১৬ ফরডাইস লেন

কলকাতা-১৪

এই ক্ষণ এই কালের বিপ্লব-মানসকে
অক্ষুন্ন রাখতে যারা টান টান করে
বুক পেতে দিল শত্রুগণেহনটের সামনে
তাদের সকলের সাথে অ মর কুবার জোঁগকে

সূচীপত্র

অমিয় চট্টোপাধ্যায় ॥ উত্তরের আগুন	২
স্বপ্ন মৃথোপাধ্যায় ॥ আগুন, এর পরেই	১০
দুর্গা মজুমদার ॥ আমি সে রক্তের দিকে তাকিয়ে থাকতে চাই	১২
সমীর রায় ॥ দুটু দুটু চোখ নুকলটা	১৪
নারায়ণ মৃথোপাধ্যায় ॥ যদি বিদ্ধ হয়	১৬
কমলেশ সেন ॥ এক লক্ষ সজ্জিত মানুষ উত্তরের মাঠে	১৭
বিশু বাগ ॥ সামনে ধানের বৃকে	২০
বিজয় ঘোষাল ॥ আগুন	২২
শেখ আব্দুল জব্বার ॥ শুধু পথ চলা নয়	২৪
মসিত সরকার ॥ তোমার মুখ	২৬
সুজিত ঘোষ ॥ অ্যান্টিয়ুসকে	২৭
নিতাই শিকদার ॥ উজ্জল গানের তরঙ্গ	২৮
ববীন্দ্র সরকার ॥ জানালাটা খুলে দাও	২৯
শৈবাল মিত্র ॥ মৌনতার বিকস্কে	৩১
ব্রব মৃথোপাধ্যায় ॥ অঙ্গীকার	৩২
নুপেন চট্টোপাধ্যায় ॥ চলচ্চিত্র	৩৪
ভজ্জন দাস ॥ বিক্ষুব্ধ জুলাই : ভারতবর্ষ	৩৫
বিজয় চৌধুরী ॥ উত্তর বাঙলা	৩৬
বীরেন্দ্রনাথ সরকার ॥ এখানে সময়	৩৭
কৌশিক বসু ॥ আমি দেখে যেতে চাই এক অনন্ত দিন	৩৮
নির্মল ব্রহ্মচারী ॥ দিগন্ত	৩৯
শঙ্কর মিত্র ॥ আগুন যদি জলে	৪১
মিহির ভট্টাচার্য ॥ মালিনীরা এখন ফুল ছড়িয়ে না	৪২
তুষার চন্দ্র ॥ কমরেড গ্রিমাউকে	৪৩
মাণিক ঘোষ ॥ ঝড় উঠছে	৪৪
জীবন গঙ্গোপাধ্যায় ॥ ভাষণ	৪৫
স্মাইল রায় ॥ এখন : সময়	৪৬

বিদেশ দেবনাথ ॥ কিষণ মেয়েদের গান	...	৪৭
অজিত মুখোপাধ্যায় ॥ আমরা জীবন দিয়ে	...	৪৮
সাগর চক্রবর্তী ॥ আউনি বাউনি	...	৫০
নিমাই ঘোষ ॥ একদিন সূর্য উঠবে	...	৫১
শংকর দেবদাস ॥ তোমরা যখন	...	৫২
রবীন্দ্র চক্রবর্তী ॥ লাখে একজন হতে চাই	...	৫৩
দিলীপ দে ॥ ছায়ায় জুনের ময়দানকে মনে রেখে	...	৫৪
আলোকজ্যোতি রায় ॥ আগামী কোনো দিন	...	৫৫
অলোক সিংহ ॥ রাশ রাশ উজ্জ্বলিনীর ছায়া	...	৫৬
দীপেশ চক্রবর্তী ॥ ভিয়েতনাম	...	৫৭
সব্যসাচী দেব ॥ বেন হাই নদীকে	...	৫৮
নারায়ণ সরকার ॥ আবার আসিব ফিরে	...	৬০
দেবেন দোয়ারী ॥ এবটা ছবি আঁকতে চাই	...	৬১
সুনীলকুমার গঙ্গোপাধ্যায় ॥ শোকাক্ত হৃদয় নয়	...	৬২
সখীর ইন্দ্র ॥ না, আর কান্না নয়	...	৬৩
স্বপ্ন সেন ॥ ত্রিকিমা পাহাড়ে রাইফেলের গর্জন শুনে	...	৬৪
অমিতদ্যুত কুমার ॥ এবার হাতে তুণ নিয়েছি	...	৬৬
অলক সেনগুপ্ত ॥ অনন্ত পথ	...	৬৭
স্বপন মালাকার ॥ সূর্য সাথ	...	৬৮
পবিত্র ভট্টাচার্য ॥ ইয়েভতুশেংকোর উদ্দেশে	...	৬৯
দ্রোণাচার্য ঘোষ ॥ বস্তুত এখন প্রয়োজন	...	৭১
রঞ্জিত গুপ্ত ॥ জেলখানা	...	৭২
ইন্দ্র চৌধুরী ॥ ওরা জানতো না	...	৭৩
কল্যাণী সেন গুপ্ত ॥ ভাস্বর হৃদয়ে	...	৭৫
মধুমিতা মজুমদার ॥ ওরা আর কাঁদে না	...	৭৬
অভীক গঙ্গোপাধ্যায় ॥ ভোলা যায় না	...	৭৭
ধূর্জটি চট্টোপাধ্যায় ॥ জেলের গরাদ ধরে	...	৭৮
অমিত দাস ॥ শীতের কোলকাতা	...	৭৯
অলোক বসু ॥ শুবু আলোকিত তোমার মুখ, কেননা	...	৮০

অমিয় চট্টোপাধ্যায়

উত্তরের আগুন

... ..

সমস্ত ফুলগুলো ফুটে উঠলো
সমস্ত আগুনগুলো জ্বলে উঠলো
মানুষ'মুখের হল অন্ধকারের গ্রন্থি খুলে
ফুল আর আগুন জ্বললো উত্তরের উৎরাইয়ে
বেদনা আর ভালবাসা আক্রোশ আর যুগা নিয়ে
স্বর্ষ তার সাক্ষী হয়ে আকাশে মুক্তি আনিয়েছিল।

জোর করে তুষ দিয়ে ঢেকে রেখে
অনেকগুলো বসন্ত দাবিয়ে রাখা যায়
কিন্তু স্বর্ষ অন্ধকারের অসমান করবেই
ফুল ফুটেবেই
আগুন জ্বলেবেই !

সমস্ত অন্ধকার মৃত্যুর দিকে
সমস্ত ফুল
সমস্ত আগুন
এই সব প্রেম
কেননা এখন তারা পৃথিবীর সমস্ত রূপসাকে নিয়ে
অসংখ্য আকাজক্ষাকে হত্যা করছিল।

সুম্ন মুখোপাধ্যায়

আগুন, এর পরেই

.....

মিছিলে দেখেছিলাম তাকে, সেই তীব্র মুখ, বাঁচার কঠিন ভঙ্গিমা ।

খররোদ্রে শূণ্ণে মৃতি ছুঁড়ে ছুঁড়ে এগিয়ে চলেছিল যে,

জমানা পাল্টাতে হবে এই ছিল তার ভাষা ।

ময়দানে আলাপ, তারপর পরিচয় ঘনিষ্ঠ থেকে ঘনিষ্ঠতর ।

নাম তার চন্দ্রনাথ ।

দেশ বসিরহাটে, বর্তমানে গ্যাকনন্ কোম্পানির ভাইস-ফিটার ।

মাঝে মাঝে জবরদস্ত হাত দুটো দেখিয়ে সে বলতো :

এ দুটোকে আমি বড় ভালবাসি ।

আচ্ছা লোকে বলে ঐতিহ্য—হরদম শুনে শুনে

কান ঝালাপালা হয়ে যায়,

কিসের ঐতিহ্য, কাদের ?—প্রশ্নের আঁচড়ে আটকে থাকতো সে ।

ময়ূরপঙ্খীর ঐশ্বর্যের মত জ্যোতিষ্মান চোখে ভেসে উঠতো তার

এ জন্মের ইতিহাস ।

মাঝে মাঝে হেমন্তের স্থির নদীর মতো হঠাৎ শান্ত হয়ে যেত সে ।

অনেক প্রশ্নের পর হয়তো কোনদিন সে উত্তর দিত :

আমার মাকে আরও কুড়ি বছর কাছে পেতে চাই ।

প্রথমে অবাক হয়েছি তারপর বুঝেছি তার বাথা,

জেনেছি তার আকাজ্জ্বার প্রেরণার কথা :

মা তাঁর তিন কুড়ি বয়সের পার—রোগজীর্ণ ।

এক সময় বিয়াল্লিশের আন্দোলনে ছিলেন, সাহেবের গুলিতে

হারিয়েছেন ভান হাতের দুটো আঙুল । নির্ধাতন, যন্ত্রণা দিয়ে

ভালবেসেছেন দেশকে । তবু আজ তাঁর কোন ক্ষোভ নেই—এই

নাকি স্বাভাবিক ।

মনে মনে শ্রদ্ধা জানিয়েছি তাঁকে ।

বাঁচার স্বরে ভরপুর হয়ে ফিরে এসেছি নিজের ঘরে ।...

সময়ের শ্রোতে বিচ্ছিন্ন হয়ে গেছি আমরা...আমি আর চন্দ্রনাথ ।

যে ষার কাজে ব্যস্ত থেকেছি এ দুবছর ।

তারপর আজ এই কারখানার গেটে দেখা,

উজ্জ্বল সেই বলিষ্ঠ মুখ, পুরু ঠোঁটের ফাঁকে প্রথম বর্ষার মতো কথা ;

লাড়ুয়ে মানুষগুলোকে এখন কি করতে হবে—

ছাঁটাই মানে তো আর জীবন থেকে বাতিল হওয়া নয় !

গেট-মিটিং-এর পর জড়িয়ে ধরলো সে ।

একে একে বলে গেল সব কথা

সঙ্ক্যার আবছায়া অন্ধকারে মিশে গেলাম আমি আর কয়েক শত

ছাঁটাই শ্রমিক,

ভাঙাচোরা কতকগুলো মুখ,

কতকগুলো মুখে পলিমাটির সৌন্দা সৌন্দা গন্ধ—

আর কে যেন পাশ থেকে ফিসফিসিয়ে বলে উঠলো :

আগুন, এর পরেই ।

হুর্গা মজুমদার

আমি সে রক্তের দিকে তাকিয়ে থাকতে চাই

.....

আমাকে বিশ্বাস করে। বিশ্বিত না হয়ে

হে বসন্ত,

মতাই বলছি আমি কিছুদিন ধরে

আমার এ বাঙলায় আপাতত স্তন্যদেয় চাই না

তোমার শাখার শব্দ স্বনন স্বর্ণন,

আমার কথাকে তুমি বাঙলার কথা বলে মেনে নাও বিরুদ্ধি না করে।

হে বসন্ত

মতাই বলছি আমি কিছুদিন ধরে

আমার এ বাঙলায় আপাতত দেখতে চাই না

সবুজের সমারোহ তোমার হিজলো...

আমার সমস্ত দেশ

দেশের সমস্ত পথ

পথ থেকে শুরু করে

গাছের সমস্ত দেহ-ভালপালা এমনকি পুরনো পাঁজাও

অশানকালীর জিভের মতোই

টকটকে লাল হয়ে আছে

আমার অনেক ভাই

আমার অনেক বোন

আমার অনেক প্রিয় পরিজন সাথী আর স্বপ্নদের রক্তে।

আমি সে রক্তের দিকে

তাকিয়ে থাকতে চাই—আমার সমস্ত দিন সমস্ত নিশীথ।

কারণ সে রক্ত থেকে জন্ম নেবে—জন্ম নেবে জানি—

মেঘের আঁচল ছোঁয়া ফুলের আগুন

ফুলকি আনবে ষার বাঙলার বনে নয়, মনেও ফাগুন...
কিন্তু তুমি নেমে এলে...আমার এ বাঙলায় তুমি নেমে এলে
হে বসন্ত
গবুজের সমারোহ আমার দৃষ্টির ধারা যদি প্রতিহত—
প্রতিহত হয়ে যায় অবুঝের মতো !
বাঙলার মন থেকে বিদায় যখন তুমি নিতেই পেরেছ
বাঙলার বন থেকে আপাতত তুমি
বিদায় নিতে কি
পারবে না
হে বসন্ত !

সমীর রায়

ছুঁছু ছুঁছু চোখ মুকলটা

.....

ইছামতী তুই বডু রোগা হয়ে গেছিস

রোগে শোকে ভুগতে ভুগতে

তোর বৃক্কের আঁচিলটা আরো নোংরা হচ্ছিল

লখিন্দরের লোহার ঘরে রাইফেল হাতে মানুষের ফিস-ফিস শব্দ

রাইফেলের হাতলে ইয়ার্কিদের মাতৃভূমির নাম

ইছামতী, আমরা বাঙলা দেশের মানুষগুলো যন্ত্রণায় মাটি খুঁড়তে খুঁড়তে

মায়ের মুখ, নদীর জল, ভবিষ্যের স্বপ্ন এই সব এতগুলো কঠিন গতিকে

আবিস্কার করেছি।

তবু আমরা সারা দেহের দিক থেকে দূরে ছিলাম

এখনো আছি

এখন ঠিক বারোটা

এখন ঠিক বারোটা

আমাদের সারা দেহে চাপ চাপ রক্ত।

ছুঁছু ছুঁছু চোখ মুকলটা

অফিসে যাচ্ছিলাম

মালিককে সেলাম দেব ভাবছিলাম

স্ট্রীকে আদর করতে ভুললাম কেন ভাবছিলাম

ঠিক তখন বারোটা

ঠিক তখন বারোটা

আমাদের সবার গায়ে

ছুঁছু ছুঁছু চোখ মুকলটা

বজ্রাতি করে রক্ত ছেটালো।

(আহা, এমন বজ্জাত ছেলেগুলো বাঙলা দেশের উঠোনে উঠোনে
মাঘের চোখ, চাঁদের চোখ ভরে দিক)

আহা, জ্বাকালের বছরে বসন্ত ফুলকে সরিয়ে রেখে

হুঁকলকে নিয়ে এল গাছ সিংহাসনে

আর দুটু দুটু চোখ হুঁকলটা বজ্জাতি করে

বাঙলা দেশে আগুন ছেটালো

(আহা, এমন বজ্জাত ছেলেগুলো বাঙলা দেশের উঠোনে উঠোনে
মাঘের মূখ, চাঁদের মূখ ভরে দিক)

বুলেটের শব্দের পর অন্ধকার গাঢ় হলে সুইসবোর্ড জ্বালো

আর কোন বিচারের, বিকৃতির কথা শুনব না।

নারায়ণ মুখোপাধ্যায়

যদি বিদ্ধ হয়

.....

কতো হাজার বছরের রাত্রি

জন্ম হয়েছে এ রাতের বুকে আমার, আমার পিতার
এবং পূর্বপুরুষের। লণ্ঠনের মতো দীপ্তিমান ভালবাসা
এবং তার জ্বালায় জ্বালায় চিনেছি পথ, হাঁটতে শিখেছি
সতর্ক সাবধানে। রাত্রির শিশির জানে কতো ব্যথা
কতো অত্যাচার আর ক্ষুধার দাপাদাপি।

সেখানে কি ফুল ফোটে

যেখানে রক্ত ঝরে নিপীড়নে ?

যেখানে রাত্রির বাদশা দাসত্ব শৃঙ্খল হাতে নিয়ে
চন্দ্রচূড় সাপের মতন বেঁধে রাখে জীবন এবং তার সৌন্দর্য
আর সেখানে দর্শন বলে : “নিয়তি কেন বাধাতে !”

তবু গোলাপ ফোটে---

কারণ রাত্রির বাদশার জন্তে গোলাপ এবং নিপীড়িতা
গোলাপ এবং তার অন্ধকার মন।

উগ্র বিষাক্ত এ জ্বালায় আর এ সৌন্দর্য বিকশিত হয়—

তা আমাদের এ জীবন। অত্যাচারিত অত্যাচারিতার ব্যথার শিল্প
গরম চোখের জল এবং বিদ্রোহী রক্ত,
বার উত্তাপ পুড়িয়ে দিয়েছে বাদশার রাজ্য, হারেম, দর্শন আর ধর্ম।
তাই গোলাপের পাপড়িতে ছাঁটাই-শ্রমিকের বিদ্রোহ চিহ্ন।

এক যুগ থেকে আমরা অন্ত যুগে প্রতিদিন জন্ম নিচ্ছি

মমতা যদি বিদ্ধ হয়, প্রাণ যদি কাঁদে,

প্রাচীন সৌন্দর্যে যদি ধ্বস নামে

তবু মনে রেখো

এ যুগের উপর দিয়ে নিশ্চয়ই বয়ে যাবে তরুণ রক্তাক্ত এক নদী।

কমলেশ সেন

একলক্ষ সজ্জিত মানুষ উত্তরের মাঠে

.....

একটি,

একটি খবর ছড়িয়ে পড়লো

থেপে ওঠা মানুষের

একটি খবর ।

একলক্ষ,

একলক্ষ সজ্জিত মানুষ

উত্তরের

উত্তরের পলাশ ফোটা মাঠে

তাদের,

তাদের বুকের আগুন

নিঙড়িয়ে নিঙড়িয়ে

তৃপাকার করছে ।

আর,

আর পলাশের মতো লাল

লাল টকটকে

সেই আগুন

সেই আগুন

তাদের মুখের ওপর এক,

এক আশ্চর্য আবেগে

ছড়িয়ে পড়ছে

ছড়িয়ে পড়ছে ।

সেই মানুষগুলো
সেই মানুষগুলো
একদিন,
একদিন তাদের ঘন-কালো,
ঘন-কালো চোখ নিয়ে
সমুদ্র
সমুদ্র খুঁজেছিল

এমন সময়
ঠিক এমন সময়
একদিন
সেই মানুষগুলো
অজুর্ন বনের সেই মানুষগুলো
এক এক করে
তাদের হাতগুলো
বুকের সামনে
টান টান করে
পেতে দিলো ।

তাদের,
তাদের পায়ের নিচে
মাটি
চেউতোলা মাটি,
তাদের মাথার ওপর
আকাশ
নীল নীল আকাশ,
তাদের বুকে
আগুন
লাল সূর্যমুখী আগুন,
তাদের চোখে

ভালবাসা
স্বর্ণা
ক্রোধ,
তাদের হাতে
মেঘবরণ
মেঘবরণ গাণ্ডিব
পিঠে তুণ
অসংখ্য তুণ

একদিন
একদিন আর নেই
আর নেই ।

উত্তরের
উত্তরের মানুষগুলো
থেপে উঠেছে
থেপে উঠেছে

উত্তরের পলাশ ফোটা মাঠে
উত্তরের পলাশ ফোটা মাঠে
একলক্ষ
একলক্ষ সজ্জিত মানুষ
সজ্জিত মানুষ ।

বিষ্ণু বাগ

সামনে খানের বৃকে

.....

হে স্বদেশ, দিশেহারা উদভ্রান্ত স্বদেশ,

ঝাউ কিস্বা বিটপীর বনে

ছায়ারা উধাও সব

এ দারুণ খরার দুর্দিনে ।

কালাহাণ্ডি কাঁদছে কঁকিয়ে

চাষা ভূষা মাতৃষের গ্রামে গাঁথা দেশ,

আমরা সবাই আছি বেশ রেশনের

ফুটো ব্যাগ হাতে ।

ঘাম রোদ জলটুকু ছাড়া

এ স্বদেশ সকলের নয়

এই সার তস্বটুকু বোঝার সময়

ঢাক ঢাক গুড়-গুড় খরার দোহাই,—

ছায়াটুকু হিমঘর কুলপি মালাই

ভাগ্যবান বোঝা তার ভগবান বয় ।

কালান্তরী প্রগতির ছায়া মাথা মাথা—

মাছ নেই, সামুদ্রিক মাছের চাবুক

বাজারে চাবুক নেই চাবুক উধাও ।

তবুতো অনেক আশা হে স্বদেশ,

ফুটি-কাটা বুকখানা বাজায় স্বদেশ,

দৃষ্টবেগে আসে গুই

ত্রিমন্নিম বর্ষার ধারার মতো

জীবনের খবরেরা—খবরের নিশ্চিত মিছিল !

হাট লুঠ গাড়ি লুঠ থাবারের গাড়ি

এবার ছায়ায় লুপ্ত কালান্তরী প্রগতির ছায়া ।
হে স্বদেশ, উলারের ফাঁদে ফাঁদে
রুদ্ধবাস কালাহাতি ককাল স্বদেশ,
সামনে ধানের বুকে আকাশের বিদ্যুতের আলো,
আলো মাথো ছিয়ান্তর স্বতি-বহ—
হে আমার উদ্বাস্ত স্বদেশ ।

বিজয় ঘোষাল

আগুন

.....

কাল রাতে আমার ঘরে আগুন লেগেছিলো
তরাই-এর জ্বলের মতো ঘন অন্ধকার
আততায়ীর মুখ আমি চিনতে পারিনি
ঘুমের ঘোরে এক সময় ঘেন দেখতে পেয়েছিলাম
তাদের চোখ দিয়ে ফোঁটা ফোঁটা রক্ত বারছে।

‘আগুন’ ‘আগুন’ আমি চৎকার করে উঠলাম
শব্দ করে আগুন জলছিলো
রাগে গর গর করতে করতে গনগন আগুন
বার বার লাফিয়ে পড়াছিলো আমার ওপর।

যেমন করে জতুগৃহ আর রাইখস্টিয়াগ পুড়েছিলো
তেমনি করে আমি নিদাক্ষণ আর অসহায় হয়ে
আমার সামনে আগুন পেছনে আগুন
আমি ধিকি ধিকি করে আগুনে পুড়েছিলাম
তাকে রাখা লেনিন কি পুড়েছিলো ?

আমার মায়ের চোখ দুটো মনে পড়াছিলো
ভোরবেলার অশ্রুট নীল আকাশের মতো—
কিন্তু আমার চোখে কাঁ ছিলো
আমার নষ্ট দু চোখে ?
কোন বাষাবর পাখির পাখা কাপটানো—
দূর থেকে ভেসে আসা কোন গানের শব্দ
আমি কিছুই দেখছিলাম না... কিছুই শুনছিলাম না
আমার বুকে কী উত্তরের ঝড় উঠবে ?

কে উত্তর দেবে অহল্যা মা দ্রৌপদী বোন
প্রিয়তম অভিমুখ্য চাপ চাপ রক্তে
কবে লাল অক্ষরে শিলালিপি লেখা হবে ?

কাল আমার ঘরে আগুন লেগেছিলো
কাল তোমার ঘরে...তোমাদেরও ঘরে
তেমনি শব্দ করে

একদিন হিমালয় থেকে কল্যাণকুমারিকা
বিরাট উঠানে পা ছাড়িয়ে
মা আমার ঘুম ভাঙিয়ে ডেকে বলবে :
'বাইরে দামাল ঝড়, বৃষ্টি পড়ছে
এই থোকা বাইরে যাবি না ?
আমার মাথা খাস
ছনানের প্রতিশ্রুতি ভূপায়ে মাড়াস না।'

আমার মাঘের চোখে আমি সেই
আততায়ীকে দেখতে পেলাম :
উত্তর দেশ থেকে হেঁটে আসা
লাঙ্গল হাতে নিয়ে সাজ্জত কালের বলরাম

শেখ আব্দুল জব্বার

তুখু পথ চলা নয়

তুখু লাখ কবর মাড়িয়ে এ পথ চলা নয়,
তুখু পথ চলা নয়, নিরবধিকাল এই দীর্ঘ যাত্রা নতুন উত্তরণ,
আমাদের চোখে আজো জড়ো হয় পরবের ভোরের উৎসব!

যদিও অস্তিত্বে, জ্বলপিণ্ডে বাসা বেঁধেছিল ক্ষয়,
হাড়-মাস কূঁরে সর্বনাশের পোকারা ঠেলে ঠেলে তুলেছিল মাথা
তবু এলো বেদনার দীর্ঘ মহড়ায়, এলো মশালের মতো অগণ্য হাতে হাতে
আরোগ্য মুক্তির সেই গাঢ় আকুলতা—

আমরা স্নহতার জোরে ফিরে যেতে চাই, উদ্বেগ-বিশুদ্ধ মুখ
নির্মল হাওয়ায় খোঁজে শ্বাস,
চৈতন্তের পাপ এসে আচ্ছন্ন করেছে মাখীদেরও
এই পাপ, এই গ্রানি আমাদের মৃত্যুর মতো ভয়াবহ ক্ষয় ।

এলো কুরখার শাণত মুক্তির মহা অন্ত, এলো মুক্তির দীপ্ত অভিযান
দ্বিধা হয়ে গেল অস্তিত্বের দেহ,
আমরা বিচ্ছিন্ন আজ দুই মেরু, দুই কেন্দ্রে জন্ম ও মৃত্যু যেন পাশাপাশি
ঘেঁষাঘেঁষি
মধ্যে রইল প্রতি মুহূর্তের রণভূমি আর দীর্ঘ মহড়ার প্রস্তুতি ।

শোকের মহড়া দীর্ঘ দীর্ঘ হতে বিমূঢ় হল ঢের জনতা,
'এ বিচ্ছেদ, এ আত্মব্যাচ্ছেদ কেন ? একি স্বাস্থ্যের না আত্মহত্যার
এই গূঢ় প্রহসনের কোথায় উত্তর ?

তারো উদ্ভ্রান্ত, তীক্ষ্ণ শতচোখে আমাদের চোখে চোখে খুঁজল উত্তর

দেখল, অতলে নির্ভরতার সেই গাঢ় আলিঙ্গন,
আমাদের এই চোখ আর চোখ নয়, সে যে অভ্রান্ত তারার এক অপরূপ-রূপ
লাল ও উজ্জ্বল
আর পাশে কদাকার প্রাণীদের গলিত, জীবাত্মকীর্ণ, বিচ্ছিন্ন
আমাদেরই দেহের খণ্ডাংশ,
সর্বনাশের শব্দে সাপটায় কালো ডানা ঝড়ের আকাশে।

নিরবধিকাল আর ঘুমের গুহায় নয় বাস,
আজ শুধু জাগরণ চেতনায় চেতনায় উদ্বেলিত শাণিত জনম
রাতের স্বপ্নমা আর সূদূর বাহির বেষ্টনে প্রত্যাশার স্নানিবিড় চোখ দুটি ভরে
ঘনঘোর বাষ্পাকুল মেঘের বিস্তার

নামে, বিষ্টি নামে
ঝম্ঝম্ বর্ষণের জন্মের নির্ধাস!

অসিত সরকার

তোমার মুখ

.....

[মার্কস আনা-কে]

তোমার মুখ যেন সেক্যোরাসের আঁকা কোন ছবি : শিপ্রার সলিলে সেই
অজস্র অবস্খী আঁবণ বারবার
যেন ক্রন্দসীর মেঘ

তোমার মুখ যেন গিলেনের লেখা আশ্চর্য কোন রক্তাক্ত সংগ্রাম : যেন
আদিম অরণ্য আফ্রিকার নির্জন
নিঃসঙ্গ সমুদ্র মৈকত

আহা, তোমার মুখ যেন আমার হৃদয়ের নির্বিড ভালবাসা ।

সুজিৎ ঘোষ

অ্যাক্টিয়ুসকে

.....

[আমি মনে করি বলশেভিকরা গ্রীক পুরাণের বীর অ্যাক্টিয়ুসের কথা আমাদের স্মরণ করিয়ে দেয়। তারা, অ্যাক্টিয়ুসের মতোই বলশালী, কার্যণ তারা তাদের মাতা জনতার সঙ্গে সংযোগ রেখে চলে, যারা তাদের জন্ম দিয়েছে। স্তালিন]

অ্যাক্টিয়ুস, মাটিতেই তোমার জীবন।

আমিও বিচিত্র গন্ধ ভোরালী বাতাসে
সে মাটির স্বাদ ভাগেবেসেছি যে কতো দিন।
রক্তঝরা সত্যতার স্বর্ণসন্ধ্যা শান্ত স্তব্ধ হবে।
পলাতক প্রকৃতির নিকোনো উঠানে
বাতাসের ঢেউ সব খেলা করে সারা দিনরাত ;
স্থিত রাজি শান্ত নীরবতা পুরালী আলোর বর্ষা ছিন্ন করে,
ধান খেত সবুজ ফসলে সারাদিন কথা বলে সময়ের কানে।

অ্যাক্টিয়ুস, এ আকাশ ফসল ধান সব আমাদের,
মাটিতে ঠেকিয়ে মাথা তাই মোর হৃদীপ্য শপথ !
যেখানে স্থপর্ণা নদী পলি মাখে সারা দিনরাত,
যেখানে স্থনীল নিরুদ্দেশ আমাদের পূর্বপটভূমি,
গাঙশালিখের সাথে যেখানে উড়ে গেছে স্থখেত কপোত,
সেখানে যুবক প্রাণ আমাদের
স্থপর্ণা নদীটিকে ডেকে নেবে প্রথম আলোয়।

অ্যাক্টিয়ুস, চলো আজ তুলে যাই সোনালী আকাশ।
অ্যাক্টিয়ুস, মাটিতেই তোমার জীবন
মাটিতেই আমরা, জীবন সকলের ॥

নিতাই শিকদার

উজ্জ্বল গানের তরঙ্গ

.....

বাতাস ভাষাক্রান্ত

চারিদিক নিস্তব্ধ নিঝুম,

কেননা রাত্রির বুক চিরে ঝড় আসছে

সামুদ্রিক ঝড়।

ছরস্ত শিশুর দল ঘুমিয়ে নেই আর

পৃথিবীর বুকে কান রেখে আমি

গান শুনিছি, গান

আসন্ন রক্তিম সকালের গান।

ইতিহাসের অনেক নায়ক নিহত এখানে

আমার মানস দর্পণ আঁকে তার মুখ।

হে সাথী, হে বন্ধু,

তোমাদের দীপ্ত স্বপ্নেরা

আমাকে পরিণে দিক সূর্যের বেশ ;

তারপর আমি

নগর গ্রামে মাঠে প্রান্তরে

মুক্তকণ্ঠে গাইব, উজ্জ্বল আলোকে গাইব,

বিমুক্ত বাতাসের স্তরে স্তরে ছড়িয়ে দেব

আমাদের সূর্যদীপ্ত গানের তরঙ্গ ॥

রবীন্দ্র সরকার
জানালাটা খুলে দিও

জানালাটা খুলে দিও ।
বহুকাল ওরা সূর্যের মুখ দেখেনি
যে সূর্যকে ওরা আজও ভালবাসে—
পিতাপ্রপিতামহের বিন্দু বিন্দু রক্তের দাবীতে
রেখে গেছে অধিকার ।
অথচ কি আশ্চর্য—
গুদের ঘরে নেড়দের থাবার মত
অভিশপ্ত অঙ্ককার বন্দী হয়ে
শপথের জানালা খোঁজে ।

কবে এক দুর্গম পাহাড় চূড়ায়
কাঁধে কাঁধ দিয়ে দেখেছিল
সূর্যের মুখ অফুরন্ত আলো
আলোর জোয়ার...
অনাগত ফসলের গান শুনে
অপ্নে বিভোর হয়ে বলেছিল
'ভালবারিস, ভালবারিস জননী জন্মভূমি ।'

তারপর অপ্নের টুঁটি টিপে
কারা যেন দরজা বন্ধ করে দিল
করাত দিয়ে কাটার মত
হাঙ্গরের মিহি দাঁতে
কি বৌভৎস হাড় কাটা শব্দ
চারদিক নিস্তরঙ্গ আদিম যজ্ঞশায়

কঁকিয়ে উঠল :

আলো দাও—আলোর আভি
আমাদের জন্মগত অধিকার...।
পরিণামে নিলজ্জ মিথ্যার কালি
ছিটিয়ে দিল ওদের চোখে মুখে ।

তাই এক অতৃপ্ত বেদনার
আজও ওরা মুক্তির প্রতীক্ষায়
কান পেতে দেওয়ালের কথা শোনে
কারা যেন এই পথে যাওয়া আসা করে
অন্ধকার ছুলিয়ে ছুলিয়ে
বজ্রকঠিন সুরে এক সাথে হাঁক দেয় :
'জানালাটা খুলে দিও ।'

শৈবাল মিত্র মৌনতার বিরুদ্ধে

মৃত্যু তোমায় ভুলে যাবো নীরব অভিমানে
অসম্ভব, হে বিজ্ঞতা এমন অসম্মানে
কেমন করে ভোলাতে পারে স্নিগ্ধ নীরবতা,
কে যেন কাল বলেছিল—সত্য, মানবতা
রক্তপাতে কলঙ্কিত হবার মতো নয়,

হত্যাকাণ্ড তবুও ঘটে এবং মরার ভয়
বৃদ্ধি এবং বোধে তোলে দারুণ আলোড়ন
তখন কে হয় মানবতা করবে আহরণ
আমার জন্তে কিসের মূল্য—অত্মসমর্পণ
নীরবতায়, মিছিলে হবে প্রাতিমা বিসর্জন
সংগ্রামের, অন্ধকারে ফিরতে হবে বাড়ি
লড়াই যখন বারণ হলো—মারবে মহামারী

কিসের জন্তে মৌনতা কিসের জন্তে শোক
তোমার রক্তপাতের গর্ভে আমার জন্ম হোক ।

কুব মুখোপাধ্যায়

অঙ্গীকার

আমরা সবাই সমবেত ময়দানে ।
মিছিলে মুখর নগরী ;
রৌদ্রতপ্ত দিন ।
সমস্ত বাঙলা আজ সমবেত ময়দানে ।
গ্রামপ্রান্তরে অজস্র মানুষ
আজ আমাদের নায়ক ।
সমস্ত নায়ক আজ ময়দানে জমায়েত ।
আর ওদের চোখে মুখে
দুরন্ত দুর্বার শক্তি— প্রচণ্ড আকৃতি
সারা কোলকাতা আজ হানয়ের সাথী,
প্রচণ্ড পিকিং আজ সকলের স্বাক্ষর ।
অন্তগামী সূর্যের শেষ আলোয়
পতাকাগুলো ঝলমল করে উঠলো ।
গনগনে আগুনের শিখার মত
প্রতিটি রক্তকণিকায় স্পন্দন জাগিলে ।
ওরা বয়ে এনেছে নির্ভরতার সংবাদ
প্রিয়তমার চোখের মত
জননীর ভালবাসার মত
আমার সবুজ বাঙলার গ্রাম প্রান্ত থেকে ।
শেষ সূর্য অস্ত গেল
দু-একটা নক্ষত্র একে একে বেরিয়ে আসছে
সংগ্রামী অভিনন্দনের মত
দূরের গহ্বর থেকে ।
তাদের তির্যক রশ্মিতে

এশিয়া আফ্রিকা লাতিন আমেরিকার
সংগ্রামী মানুষের বিদ্যুৎ বিপ্লব দৃষ্টি ।

আমরা পরস্পরকে লাল উজ্জ্বল চিনলাম
প্রতিজ্ঞা করলাম
সংগ্রামী ইতিহাস আর যেন বিশ্বাসঘাতকতায়
কুলঙ্কিত না করি ।

সঙ্গী সাথী সবার কঠিন চিবুক,
ঝলসানো দৃষ্টি থেকে অজস্র অভিশাপ আর ঘৃণা
ঠিকরে বেরিয়ে আসছে
বিশ্বাসঘাতক ক্ষমতালোভী শাসকের বিরুদ্ধে ।
হুজুয় শপথ আজ বিক্ষুব্ধ জনতায়
'প্রতিধ্বনির তরঙ্গ' আর 'চোখের তারায়' ।

নূপেন চট্টোপাধ্যায়

চলচ্চিত্র

.....

চলচ্চিত্র দেখছিলাম

এক অদ্ভুত রোমাঞ্চকর চলচ্চিত্র

মাথার উপরে ঈগলপাখি

আর জলের থেকে হাঙর—

আকাশ আর উপকূলভাগ

আক্রান্ত ।

ঈগল আর হাঙরের সাঁড়াশি অভিযান

ভাবলাম

দেশটা বুঝি রসাতলেই গেল ।

তবু কি আশ্চর্য ।

দক্ষিণ সমুদ্র-ঘেরা দেশ

নারকেল গাছের বেড়া-দেওয়া দেশে

মাথার উপরে শিমুলের গুচ্ছ নিয়ে

ভয়ঙ্কর অথচ সুন্দর এক সংগীত

অসংখ্য যুথের পায়ের ছন্দে

মুক্তি-সঙ্গীত

গুনতে গেলাম ।

আর দেখলাম

ঈগল আর হাঙরের দল

আহত... প্রতিহত...

প্রতিহত হয়ে পাততাড়ি গোটায় ।

ভজন দাস

বিস্মৃক জুলাই : ভারতবর্ষ

.....

আমরা চিত্তরঞ্জন অ্যাভেন্যুয়ে দাঁড়িয়ে
কলেজ স্ট্রিটের আকাশে ধোঁয়া

ওখানে ট্রাম পুড়ছে
চারিদিকে পুলিশ আর পুলিশ-ভ্যানের আর্তনাদ ছোট্টাছুটি

বাঙলার রাজকুমাররা ওখানে দুহাতে
রক্তচোষা দৈত্যদের প্রাণভোমরা পিষছে ।

জুলাইয়ের আকাশ মেঘলা
কাফুর সঙ্ক্যা নামলো
চারিদিকে অন্ধকার মরণ গোষ্ঠানি বিতীষিকা
আমরা শিশুর মত স্থির বিশ্বাসের ঘূমে চোখ বজ্রলম্ব ।

দু হাতে ইতিহাসের গলা জড়িয়ে
আমরা কাল আবার গল্প শুনবো
রাজকুমাররা দৈত্যদের টুকবো টুকরো করে
কত কালের বন্দিনী রাজকন্যাদের...

বিজনবন্ধু চৌধুরী

উত্তর বাঙলা

বহু পুরোনো এক বনেদী পরিবারের কথা—
রীতিমত ইতিহাসের স্বাক্ষর নিয়ে ঐতস্ত্যত বিক্ষিপ্ত
অসংখ্য কথা-কাহিনীর আবছা আলপনা :
জলরঙে আঁকা বিলীয়মান গুহাচিত্রের
অপরূপ ব্যঙ্গনায় নানা ধীর ছন্দে
কালের হাতে প্রবিষ্ট ।

এখানে শীতের সীমান্ত
বসন্ত আর শরতের দর্পণে নেচে ওঠে, গান গায়
কিন্তু জড়তা বারো মাস !
বর্ষার কান্না বিয়ল গানের মত
ঝিরি ঝিরি একটানা—
তিস্তা, তোরষা, মহানন্দা প্রাতি বর্ষার অসহ ধোঁবনে
বার বার ঋতুমতী হয়েও বন্ধা ।

এখানকার
নানা বিজ্রোহের ছোট ছোট ঘটনার আবহসঙ্গীতে
অগ্নি সত্যি হয়েছে বারবার ;
কিন্তু জীবনের কান্না থামেনি ।

কাঞ্চনজঙ্ঘার ঘুম ভাঙছে
ঘুম ভাঙছে শত শত বছরের বন-মর্মরের
ছুটি পাতা একটি কুঁড়ির দেশে ভোরের স্বপ্ন প্রদীপ্ত—
শাল সরল দেবদারু বনের কালো ছায়ায়
আলোর নাচ ।

—কান্না থামবে ।

উত্তর বাঙলা,
ঝঙ্কারত বাংলাদেশের এক সজ্জাবনাময় প্রান্তর ।

বীরেন্দ্রনাথ সরকার

এখানে সময়

.....

উৎপীড়নের জালায় জ্বলতে জ্বলতে
উজ্জ্বল সবুজ ঘাসের উপর শুয়েছিলাম ।
তখন সন্ধ্যা শেষ হয় ।

এই তিরিশ মিনিট
নিটোল শান্তির সময়
আলো অন্ধকার রহস্যপুরীর কথা
ভাবতে ভাবতে
ভাবতে ভাবতে ঘুমিয়ে পড়েছিলাম ।

ঘুঘুর মত সময়
ঠিক, আধ ঘণ্টার মাথায়
ফের

সষত্রে বসায় : যেখানে
উষ্ণ ক্ষুরধার বাবরির সন্ধে
দুধের মত তেল জল চুঁয়ে চুঁয়ে পড়ছে,
যেখানে

চুঁয়ে চুঁয়ে পড়ছে
হুৎপিণ্ডের ধক ধক থেকে
সঞ্জীবন রক্ত মেশিনের গভীরে,
যেখানে

মেশিনের গভীরতা থেকে
কালো টাকার অদৃশ্য ঝর্না প্রবাহিত হয়
ঠিক, সেইখানে
কাজের অন্ত সষত্রে বসায় ।

কৌশিক বসু

আমি দেখে যেতে চাই এক অনন্ত দিন

.....

আমি দেখে যেতে চাই

শতাব্দীর শেষ রাত্রি...

তারপর...

হরিৎ পাতার ওপর সহস্র সূর্যের উদ্ভাস

তারও পরে

দিন

অনন্ত দিন ।

আফ্রিকায়

আমেরিকায়

অথবা ভারতে

প্রতিধ্বনিত শেকল ছেড়ার শব্দ

নৌলম অন্ধকারে হাওয়া বয়ে আনে

ঝড়ের সংকেত ।...

আমি দেখে যেতে চাই—

শতাব্দীর শেষ রাত্রি...

দলে যেতে চাই অন্ধকার সম্রাটের মুখ

তারপর...

হরিৎ পাতার ওপর সহস্র সূর্যের উদ্ভাস

তারও পরে

দিন

অনন্ত দিন !

নির্মল ব্রহ্মচারী

দিগন্ত

আমার হৃদয়-মনের শেষ প্রান্তটুকু

কে স্পর্শ করেছে বল ?

অন্তহীন আকাশের মত সে যে,

বেননা, দিগন্ত কেউ-ই স্পর্শ করতে পারে না

কখনও তোমরা কেউ কেউ আকাশে

মেঘের কোলে

টিকিট কেটে পাড়ি দাও দূর দিগন্তে...

গ্লেনে করে বা রকেটে চড়ে চলে যাও স্বদূরে কখনো

কিন্তু তাও কতক্ষণের জন্যে ?

মুঠো মুঠো ভাবনা ও জিজ্ঞাসার

মেঘমালা বিধে

আমার আকাশেও তেমনি কিছু কিছু যাত্রী

পাড়ি দেয়

সুস্থটির টিকিট কেটে প্রীতি ও সম্পর্কের তাওয়াই গাড়িতে

বসে

কোন বৈমানিক কখনও আবার

ঋতগতির রে . র্ড করে—গ্যাগারিন টিউভও হয়

হয়ত

অনেকের মতে বৃদ্ধ হইয়া না,

কিন্তু তাও কতক্ষণের জন্যে !

তবে,

অনাগত কাল ধরে চিরন্তন যেন আমার দিগন্ত লাল

রক্তিম অগ্নির দিগন্ত
তাই ক্ষণকালের বৃদ্ধবৃদ্ধ তা হয় কি করে ?

আমার হৃদয়-মনের সারা দেহে
জড়িয়ে আছে লেনিনের অগ্নির
সেই রঙিন দিগন্ত
স্তালিনের দীপ্ত তেজ দৃঢ়তার হ্যুতি ।

শঙ্কর মিত্র

আগুন যদি জ্বলে

.....

অগ্নুৎপাতের মুখোমুখি দাঁড়িয়ে, জীবনকে
যদি গভীর মমতায় ভালবাসা যায়,
জেনো, তোমরা যে যেখানেই থাকো
আমার প্রাণের উত্তাপ তোমাদের স্পর্শ চায়
গোটা দেশ জুড়ে মহামারী আর কাল
হায়েনার বীভৎস দন্ত আশ্বালন ;
সর্বনাশা পাশবিক উন্নততা
বাতাসে বাতাসে আঁভশাপ, আমার বুকে জালা ধামে না ।
আমার দেশের বিবিড় নোলিয়ায়,
নিষ্ঠুর মাটিতে যদি আগুন জ্বলে
তবে ইতিহাসের জবানবন্দীতে হিংস্র দানবের পুডবে
তিলে তিলে ।

ভূগোলের সীমানা অতিক্রম করে,
শিশির-সিক্ত বকুলের গন্ধ ;
সঙ্ঘার প্রদীপে চোখ মেলে তাববো
মিলবে না আর কবিতার ছন্দ ।
উজানের বাতাসে আর্তনাদে
আর কিছু না পাকক
তবু যেন না করে ক্রন্দন ॥

মালিনীরা এখন ফুল ছড়িয়ে না মিহির ভট্টাচার্য

.....
মালিনীরা এখন ফুল ছড়িয়ে না
গন্ধার বুকে এখন নাবিকেরা পাল তুলে দাও
আমরা সেই সাত সকালে বেরিয়েছি
অনেক উজ্জান ঠেলতে ঠেলতে
আমরা এখনও কলকাতার সীমানায় ।

মালিনীরা এখন ফুল ছড়িয়ে না
তোমাদের ফুল বড় নিষ্ঠুর হৃদয়
আমরা পাহাড়ে চড়বো বলে
গুরুতারা সাক্ষী রেখে কখন বেরিয়েছি
অথচ আমরা এখনও বাঙলার সমতলে ।

মালিনীরা এখন ফুল ছড়িয়ে না
তোমাদের ফুল বড় মায়াবী
আমরা মানুষকে ভালবাসবো বলে
মায়ের কাছে কথা দিয়েছিলাম
অথচ আমরা এখনও আমাদের হৃদয়ে ।

মালিনীরা অমন করে ফুল তুলো না
তোমাদের ফুলের খেলা দেখবো বলে
কোনো রগণীকে উজ্জাড় করে ভালবাসলাম
অথচ আমার ভালবাসা
এখনও সবুজের সীমানার খোঁজে আকুল ।

মালিনীরা এখন ফুল ছাড়িয়ে না
আমার ভালবাসা এখন নাবিক হতে চায়
আমার দেশের মাটির গন্ধে মাতাল হতে চায়
এখন ভালবাসা আমার ফুল নয়, ইস্তাহার চায় ।

তুষার চন্দ্র

কমরেড গ্রিমাউকে

কমরেড গ্রিমাউ তুমি স্থখে নিদ্রা যাও

• ফাঁসির মধ্যে তোমার বিপ্লবী বার্তা

“পঁচিশটা বছর ধরে আমি আছি সাম্যবাদী দলে
মৃত্যুর মুহূর্তেও আমি আছি ঠিক তাই।”

লেখা থাক জলন্ত অক্ষরে

সহস্র হৃদয়ে

জেলে বসে আমি এক সাম্যবাদী কবি

তোমার প্রতিজ্ঞা নিই

বজ্রের লেখনীতে।

‘কমরেড গ্রিমাউ তুমি স্থখে নিদ্রা যাও।’

মানিক ঘোষ

ঝড় উঠছে

.....

মনে রেখ ঝড় আসন্ন ।

দেখছ না

চারিদিকে কি গভীর নিস্তব্ধতা ।

পশ্চিমের ঐ অস্ত-ষাওয়া লাল সূর্য

সংগ্রামের ঘোষণাপত্র,

ঈশানের কালো মেঘে কালান্তরের অমোঘ সংকেত

—দিন বদলের পালা ।

দেয়ালের ভাষা ওরা পড়তে পারছে না ।

কি করেই বা পারবে—

বেবলিনের রাজা বেলশাজারও পারেনি ।

নির্বোধ বেলশাজারের মতো

ওরা একদিন নিজেদের কবর খুঁড়বে ।

কারণ,

অত্যাচারের মাণ্ডল সবাইকে দিতে হয় ।

আমি যেন সেই বন্দী ভানিয়েল—

দূরদর্শী বিচক্ষণ সেই যুবক ।

যুগ-সংক্রান্তির শেষ পাদানিতে দাঁড়িয়ে

আমি যেন তিলে তিলে

ওদের নিঃশেষ হয়ে-ষাওয়া দেখতে পাচ্ছি ।

আর দেখতে পাচ্ছি

আর একটা সূর্যস্নাত দিন ।

আকাশ স্তব্ধ

বাতাস চঞ্চল

সমুদ্র তরঙ্গহীন,

মনে রেখ ঝড় আসন্ন ।

জীবন গল্পোপাখ্যায়

ভাষণ

কমরেড, কোন দিকে তাকিয়ে আমাদের হাতের মুঠি
কুমশই শক্ত হচ্ছে

আশা করি আপনাদের আর সে কথা

বোঝাতে হবে না, কারণ

খিদের জ্বালায় পেণ্টের নাড়ী জ্বলতে থাকলেই

চোখের সামনে ঈশ্বরের বদলে

মুনাস্তাবাজদের ঠাসা গুদোম

ভেসে উঠছে।

কোন ছেঁদো কথাতেই আজ আর

বুকের আগুন সমাল খাচ্ছে না,

অবস্থা বুঝে যারা

স্বর পালটাতে চাইছে, যারা

‘হিংসাত্মক ঘটনাবলীর’ ছোঁয়ায়

নিজেদের নামাবলী অশুদ্ধ হবে না ভেবে

লম্বা লম্বা পা ফেলে

সব কিছু ডিঙিয়ে ডিঙিয়ে চলতে চাইছে

আমাদের বুকের আগুন

ভাদের নাগাল পাবেই।

কমরেড, মূল কথাটি কী, আশা করি

আপনারা সবাই জানেন, কারণ

আমাদের গায়ের রক্ত জল নয়—

সেদিন আশিশ আর জব্বরের বুক থেকে

যা ঝলকে বেরুল তা জল নয়

এইটুকুই বোঝাতে হবে।

শ্যামল রায়

এখন : সময়

.....

ভাঙা চোয়ালের কষ বেয়ে রক্তাক্ত দিনগুলিকে ,
শামুকের মন্থরতায় আর বিলম্বিত কোর না
লাল বাড়ির সদরের দেউড়ীতে ঘণ্টা বাজছে
ঢং...ঢং...ঢং... ।

জল্লাদের খাঁড়া হাতে ; ওরা আসছে
আসছে...আসছে...আসছে ।
দিগন্তের মৈনাক ; ভালবাসার অমরেশ ;
প্রেমের অঙ্কনা ;

তোমরা জেগে আছো ?

...ইয়া আমিও

কেউটের নীল বিবে কলিজায় ধরে নিত ঘুম ;
ডাক দিলে কেউ না কেউ আসবেই ! আসবেই !
এস্প্রানেডের নোনা জলে রুদ্ধশ্বাস কেরানীরা
কালীপুর, দমদমে স্বর্যাক্ত শ্রমিকেরা
সেন্টপল্‌সের মুহূ ভায়োলিনে কলকাতার বনেদী ঘুমকে
আর কিরে পাব না
এখন জাগার সময়
এখন বাঁচার সময় ।
আর কিরে পাবে না
এখন জাগার সময়
এখন বাঁচার সময় ।

বিদেশ দেবনাথ
কিষাণ মেয়েদের গান

ভারতবর্ষের বিস্তৃত সীমারেখায়
হিমালয়ের তুষার শৃঙ্গ
থমে থমে থমে থমে নিভৃত সাগর :
হিমালয়ের তুষার শৃঙ্গ
থমে থমে থমে থমে...
ইরাবতী, চন্দ্রভাগা, বিপাশার
শাস্ত তীরে
যব আর গমের খেতে শীষ নড়ে ওঠে
যব আর গমের খেতে
তৃষ্ণার্ত কিষাণেরা লাক্সল চালায়
লাক্সল চালায় লাল পাহাড়ের নীচে,
আর কিষাণ মেয়েরা গান গায় :
আমাদের এখন জমিনে জল দেবার
দিন এসে গেছে ।

অজিত মুখোপাধ্যায়
আমরা জীবন দিয়ে
.....

আমরা জীবন দিয়ে প্রতিটি মৃত্যুকে মুছে দেব
আমাদের মৃত্যু দিয়ে সাজিয়ে দেব প্রতিটি জীবন

প্রতিটি রাস্তায় যুবকের রক্তচিহ্ন
রক্তে কাদা হয়ে গেছে মাটি
আমাদের পায়ে পায়ে অগণিত আত্মবিসর্জন
আমাদের বৃকের ভিতর অসংখ্য শোকের দাগ,
আমাদের বন্ধু শহীদেব নিশ্বাসে উত্তাপে স্বপ্নে
আদিগন্ত গাছপালা নদী বালিয়াড়ী এবং রাস্তার ধুলো
দিয়েছে মধুর করে,
হলুদ সবুজ পাতার দিকে চাইলে
প্রতিটি গাছের গন্ধ পেলে
ইটে গেছে ফাল্গুনের রাজে নদীর ভিতরে
আমাদের মৃত বন্ধুদের স্পর্শ পাই

রাস্তা আমাদের বাক নিয়েছে
সামনে প্রস্ফুটিত পলাশ
পাশে বাবলা ও বেহুবন
আমাদের অনেক অনেক পথ ভেঙে যেতে হবে
জলন্ত বারুদে আমাদের চামড়া যাবে ঝলসে
আমাদের বুক লক্ষ্য করে আছে শত্রুর রাইফেল
যুদ্ধের আগুনে আমাদের পা ঝলসে গেলে
আমরা চলি হাত দিয়ে
শত্রুর বন্দুকে ভেঙে গেলে একটি হৃদয়

বন্ধু শহীদের স্থানে ছুটে আসে অজস্র হৃদয়
আমরা অগণিত মানুষ তরঙ্গ
আমার একটি মৃত্যু জন্ম দেয় অসংখ্য জীবন
আমরা জীবন দিয়ে প্রতিটি মৃত্যুকে মুছে দেব
আমাদের মৃত্যু দিয়ে সাজিয়ে দেব প্রতিটি জীবন।

সাগর চক্রবর্তী

আউনি বাউনি

.....

এখন উদাত্ত কণ্ঠে দীপ্ত পারিপার্শ্বিকের মালা
তাকাও নিবিড় চোখে ষতোদূর উদ্ভাসিত রৌদ্রের সমতল জাগরণ
উত্তরে তরাই আর দক্ষিণের নিম্নভূমি নতুন আবাদ
সময়ের হাতে বলকায় বিদ্রোহী হাঁসুয়া
চন্দনদীঘির বোন অহল্যার শপথে

আমরা জেগেছি তাই ভোর হলো নবান্নের মাঠে মাঠে আমরা
শামিল, তাই জোর এলো কজিতে, আবার আমরা বাঁচবে!
তাই পুরাতন ভূমিকায় আর খুশি নই অসন্তোষ ভোরের ধানের
মাঠে লক্ষ কণ্ঠে শব্দের মঙ্গল শব্দে বাজে ওঠে প্রতিধ্বনি

রক্তে রোয়া সোনাধান হাজার রক্তাক্ত গ্রামে আউনি বাউনি...

নিমাই ঘোষ
একদিন সূর্য উঠবে

এখানে একদিন সূর্য উঠবে
এখানে একদিন ফুল ফুটবে

ওদের অত্যাচার
ওদের বিষাক্ত নথের আঁচড়ে
প্রতিদিন আমার গা বেয়ে
রক্ত ঝরছে...

প্রতিদিন আমরা মরছি
প্রতিদিন আমরা বাঁচছি ।
আমাদের বুকের প্রস্ফুটিত রক্তে
যে ফসল
সে তো আমাদের জন্তে ।

হে আগামী দিনের মাহুষ, তোমার
স্বপ্নকে তুমি
কাঁধে তুলে নাও ;
তোমার দুহাত শব্দময় হয়ে উঠুক
ছিন্নভিন্ন শৃঙ্খলে ।

শংকর দেবদাস

তোমরা যখন

.....

তোমরা যখন বঙ্গনার পাহাড় নিয়ে হাত বাড়াবে

আগুন হয়ে...

তোমরা যখন ঘুণায় ক্রোধে জলে উঠবে

বারুদমালা...

থর থর করে কাঁপতে কাঁপতে ওরা তখন

পিছু হটবে ।

তোমরা যখন মাটির বুকে আগুন হয়ে জ্বলবে আলো

টুকটুক লাল

একটু একটু জ্বলতে জ্বলতে রাজ্য জুড়ে

জ্বলতে থাকবে...

তোমরা যখন চার দিগন্তে খুঁজতে থাকবে

শত্রু শিবির

ওরা তখন পিছু হটবে ॥

তোমরা যখন বঙ্গনার পাহাড় নিয়ে হাত বাড়াবে...

রবীন চক্রবর্তী

লাখে একজন হতে চাই

.....

মৃত্যুর গান গেয়ে যদি তোমরা
শান্ত সমুদ্রের হৃদয়কে কাঁদাতে চাও
শিশুর মত অসীম নিরাশার শোকে
কাঁদবে না।

আমি ছুঁ পায়ে শোকের কাঁটা মাড়িয়ে
ঘোবনের পায়ে হাঁটতে চাই সম্মুখে
আমার হৃদয়কে নিয়ে।

তবে যদি কখনো একটি মহৎ মৃত্যুর কথা বলে
— সে মৃত্যুতে বসিরহাট থেকে শান্তিপুর
শান্তিপুর থেকে কলকাতা
সারাটা দেশ ভাসে বগায়
ঢল নামে তালগাছ-ধেনা মরা বাঙলার বুকে

লাখ লাখ কান্নার ঢেউয়ে
আমি নিষ্কূপ থাকব না
আকাশ উজাড় করে অঝোরে কান্নায় ভাসিয়ে না।

তোমরা আমার চোখের জল মুছিয়ে না
আমি এক লাখের একজন হতে চাই।

দিলীপ দে

ছাব্বিশে জুনের ময়দানকে মনে রেখে

... ..

এমনি করেই বহু ইতিহাস প্রোথিত হয়েছে অতীতের ময়দানে ।
সংগ্রামী জনতার লড়াইয়ের ইস্তাহারে বহু প্রতিজ্ঞা প্রতিফলিত
হয়েছে অতীতের সেই পৌরুষদীপ্ত নির্মেঘ আকাশে—আশা
আকাঙ্ক্ষা রূপ নিয়েছে প্রতিরোধমুখী চৈতন্যের স্বর্ণাভ সকালে,
ইতিহাসের প্রোজ্জ্বল মশালে ভবিষ্যত কথা বলে তাই ।

সমুদ্রে নাবিক—নোনা জলে নাবিক । কস্পাসে দিকের ইঙ্গিত ।
হান্সর আর চেটে—নির্জনতা আর কুণ্ঠা ; এরই সঙ্গে যাত্রা ।
বিশ্বাসঘাতকেরা সতর্ক থাকে, অন্তত মূহুর্তে পায়ের তলায় ।
যাত্রার গৌরব আছে—সংগ্রামেরও । বিদ্রোপকে ভেঙে কেলে
এ নাবিক তাই আগামী ভাত্যের নায়ক ।

সংগ্রাম—আমাদের অধিকার । প্রতিদিন নিষ্পেষিত পান্থের
আমরা হামাগুঁড়ি দিয়ে বাঁচার জন্তু ঐ প্রাসাদের চার দেয়ালে
ভিক্ষা চাই—অরণ্যে কাঁদি গলা ফাটিয়ে । বুভুক্ষা অধ্যুষিত
এ জীবন থেকে আজ—অনুন্নয় আর প্রবৃত্তির দামস্বকে মুছে
ফেলতে হবে । বাঁচার গ্যারান্টি : সংগ্রাম ।

যদিও এ দিন নিশ্বাসরুদ্ধ, ফিঙের পালকের মতো । এখানে
প্রবহমান বাতাসের চোখে জল । গর্জন নেই মাহুঘের কণ্ঠে ।
চেরাপুঞ্জি নেই কোথাও । হুন আর ঘাম । তবুও বিভীষিকাময়
মুহূর্ত্তমান এ পৃথিবীর বক্ষ্যা হৃদয়—গর্ভে সঞ্চারিত প্রাণ,
মেশিনম্যানের শাবলের মতো শক্ত ছোটো হাত দিয়ে সমস্ত
অবসাদ, অবিখ্যালের কুমিকোট টেনে ফেলে দেব
বাহির বিশ্বের আলোকের স্পষ্টতায় ।

শ্রমিকের রক্ত আগামী দিনের স্বর্ষোদোধন । সেদিন
আমাদের উন্মেষের দিন, উজ্জীবনের দিন, উত্তরণের দিন ।

আলোকজ্যোতি রায়

আগামী কোনো দিন

.....

সবই সম্ভব ছিল। একদিন রক্তাক্ত পতাকা
উড়িয়ে প্যারেড করবো, একদিন আমরা কেবল
বেঁচে থাকতে ইচ্ছা করবো, একদিন আমরা সবাই
নিরুপদ্রব থাকবো, সেই দিন স্তব্ধ ইসলাম
'বাঙলা ছেষটি সাল' এই নামে তোমাকে চিনবো।
সেই দিন আনন্দ, তোমার মৃত্যুর কথা ভেবে
লোহিত পতাকা তুলে সাম্রাজ্যবাদের রক্ত নেব।

সেদিন কেবল মনে হবে
তুমি বাঙলার ছেলে শুধু নও
তুমি কেরালার কোন চাষী
তুমি ভান ত্রাই, তুমি নির্ধাতিত এশিয়ার ছেলে।

তোমাদের রক্ত এসে আমাদের রক্তিম করেছে।

অলোক সিংহ

রাশ রাশ উজ্জয়িনীর ছায়া

.....

মনে করো সমস্ত ভালবাসা নীলশূন্য অঙ্ককার
ওদের কণ্ঠে তাই রাশ রাশ উজ্জয়িনীর ছায়া
মনে করো দীর্ঘ ফুসফুসে বিযাক্ত বাতাস আর্তনাদে অধীর
কখন থেমে গেছে সমস্ত বিবেকের উৎসব
মৃত্যুর অনেক কাছে তাই চিরশূণ্য পৃথিবী
শৈশবেই একে একে সঙ্গীহারী হয়—
মনে করো সমস্ত প্রান্তর জুড়ে শাশান

পোড়া মাংসের গন্ধ

নারীর শরীর ছুঁয়ে নির্লজ্জ অত্যাচার এল—
যে- সূর্যাস্তের এক নদী ফসলের রঙ নিয়ে নিভে যাবে
তাই সেই দেশ সূর্যশিখা দিনশেষে পুড়ে পুড়ে মুছিত পিতল হল
—বিশ্বস্ত প্রতিবেশে তবে সব স্বপ্ন ভেঙে যাবে !
কিন্তু পরাজিত আজ ট্রান্সিজের মুখোশী থেলোয়াড়—
তাই হতাশার উজ্জ্বল আঁকা মুখে যখন মাতৃষের অভিশাপ
ইতিবৃত্তের কালান্তর পেরিয়ে মুক্তধারা আলো তখন
সমস্ত হৃদয়ে ভালোবার লক্ষ দীপ জ্বালিয়ে দিয়ে গেল—
শশুহীন মাঠে আজ তাই ফসলের কি আশ্চর্য প্রকাশ
উজ্জয়িনীর ছায়াপথ দিগন্তে দিশারী নৌহারিকা
নক্ষত্র ছুঁয়ে সমুদ্রের কলরোল খুঁজে চলে জীবনের শপথ,

আমার বুকে আজ নিপুণ ব্যথায় ভালবাসা
স্বল্প উচ্চারণে তোমার দিগন্তে ভিয়েতনাম
নতুন সূর্যে দেখে প্রসারিত রৌদ্রের সংকেত ।

দীপেশ চক্রবর্তী

ভিয়েতনাম

.....

পথটা লম্বা

ছেলেটা ছোট

বেহায়া রোদ

কখনো মেঘ বা

কখনো বৃষ্টি

কখনো ঝড়

কখনো প্রলয়ে

ঝলকে অশনি

কি দুর্যোগ

ছেলেটা আহারে

ছেলেটা তবুও

থামবে না

.

পথটা লম্বা

হোক না বৃষ্টি

থাকুক রোদ ॥

সবামাচা দেব
বেন-হাই নদীকে
.....

দেখ, দেখ
নদী
এপাড় জুড়ে ভালবাসা
শ্রামল প্রান্তরে হাওয়া
ষৌবনের গান
হো চি মিন ।

ছেলেবেলায় শোনা রূপকথা—
ওপানে বান্দনী রাজকণ্ঠা
মধ্যখানে নদী,
বেন-হাই, বেন-হাই ।

ধানের খেতে রাইফেলের শব্দ
হাঁটুভরা কাদা আর তমিস্র অরণ্যে
লড়াই

আগুনের মত উজ্জ্বল প্রতিজ্ঞা ।
কবে স্বথের দিন আসবে
গোলায় উঠবে ফসল,
আগামী দিন
চোখে স্বপ্ন
গেরিলার—

নৌচু হয়ে নেমে এল প্লেন
একরাশ ধোয়া,

রাইফেলের মুখে প্রতিবাদ গর্জে উঠলো
হানয় হানয় ।

একটু একটু করে স্পন্দিত ভালবাসা
মা-এর কাঁপা কাঁপা হাতে
সন্ধ্যাপ্রদীপ,
শহরে
গ্রামে
ভিয়েতনামে ।

দেখ, দেখ,
তোমার পাশে আমরা
এ গুর হাতে
কখন
রাখা পরিয়ে দিগ্নেছি ।

দেখ, দেখ
সূর্যকে মূঠায় ধরে
সারা বাঙলা দেশ
এখন
ভিয়েতনাম ॥

নারায়ণ সরকার
আবার আসিব ফিরে
.....

॥ বাংলার সাম্প্রতিক খালি আন্দোলনের অমর শহীদদের
আকাজ্জার কণ্ঠধর ॥

আবার আসিব ফিরে এই বাঙলায়
স্বপ্নের গভীর থেকে ডাক দিয়ে গেছে ইছামতী
আমাদের রক্তে-ভেজা মাটি
মায়ের চুষন যেন একে গেছে ভাগীরথী—
জলঙ্গীর ঢেউয়ে-ভেজা বাঙলার এ সবুজ করুণ ডাঙায়

আবার আসিব ফিরে

বখন রোজের স্বাদ ঘিরে
অজস্র ধানের গন্ধ—জীবনের
রক্ত-উপচারে
মার্চের দুঃস্বপ্ন ইছামতী
ভাগীরথী
জলঙ্গী
স্বপ্নের তিমিরে চিরসঙ্গী
ডাক দেবে ; আবার আসিব ফিরে
'বাঙলার নদী-মাঠ-খেত ভালবেসে ।'

দেবেন দোয়ারী

একটা ছবি আঁকতে চাই

.....

ইস্পাত কঠিন ঐ হাত দুটোর দিকে তাকাও
তাকাও বারুদ জমাট ঐ চণ্ডা বুকটার দিকে
রাশের জ্যোৎস্না ওদের শক্ত পেশীতে
কোন সোহাগের আঁচড় কাটে না
কেননা ওরা শ্রমিক ।

মৃষ্টিবদ্ধ ঐ সবুজ হাতগুলোর দিকে তাকাও
তাকাও মাটির মত রুক্ষ ঐ হাত দুটোর দিকে
চাঁদের জ্যোৎস্না ওদের রুক্ষ দেহে
কোন সোহাগের আঁচড় কাটে না
কেননা ওরা কৃষক ।

তাই কি হবে আর চাঁদের সোহাগের গল্প করে
কি প্রয়োজন জ্যোৎস্নার শুভ্রতার
হাজার কবিতা লেখার
চাঁদের জন্মে আমার কোন মমতা নেই ।

আমি হৃদয়ের রক্তে
সংগ্রামের তুলিতে
একটা ছবি আঁকতে চাই
নতুন পৃথিবীর ।

একটা ছবি আঁকতে চাই শ্রমিক আর কৃষকের
রুক্ষতার আর শক্ত পেশীর ।

সুনীলকুমার গঙ্গোপাধ্যায়

শোকাক্ত হৃদয় নয়

.....

হৃদয়ে আগুন জ্বলতে থাকবে, ঘৃণা
জাগতে জাগতে যতক্ষণ না ক্রোধ—
মায়ের আমার স্থখ দুঃখের স্মৃতি থাকবে না
অশ্রু আমার মায়ের গুণা মোছাতে দেবে না
অবিচারের বোঝা বাড়বে ক্রমে ক্রমে
দুঃস্বপ্ন সহজে হবে না অতীত—
হৃদয়ে আগুন জ্বলতে থাকবে, ঘৃণা
জাগতে জাগতে যতক্ষণ না ক্রোধ !

সময় এখন দাঁড়িয়ে অধীর প্রতীক্ষায়
প্রহর গুনবে স্বদেশ আমার, যতক্ষণ না
লক্ষ মিছিল উৎসবে হবে লাল—
অচিরে হবে না আমারজনী অতীত
হৃদয়ে আগুন জ্বলতে থাকবে, ঘৃণা
জাগতে জাগতে যতক্ষণ না ক্রোধ ,

সমীর ইন্দ্র

না, আর কান্না নয়

.....

(ধোড়ী কোলিয়ারির নিহত শ্রমিক ভাইদের স্মরণে)

মা, তোরা কাঁদিস নে
নরম হাতের শক্ত মুঠোয়
কালো কালো পাথরগুলো সরিয়ে দে
আমরা উঠে দাঁড়াই ।

মাগো, না আর কান্না নয় !
তোদের চোখের জলের জমাট শিলায়
ওদের তুঙ্গ শৃঙ্গ নোভ আকাশ ছুঁয়েছে ।
তার চেয়ে, আয়—
সামনের ওই ধোঁয়ার পাহাড়টা সরিয়ে দে
আমরা বুক ভরে দম নিই ।

চোখের জলে এ আগুন আর নেভাস নে
আঁজলা ভরে ঘরে নিয়ে যা
মহুয়ার ডালে দোলনায়
আমার ছেলেটা দোল খাচ্ছে;
ওর হাতে মুঠোভর্তি আগুন নিয়ে দে
তাই দিয়ে ওর সঙ্গীদের নিয়ে
খেলতে থাকুক ।

সৃজন সেন

ত্রিকিমা পাহাড়ে রাইফেলের গর্জন শুনে

.....

ওরা ভেবেছিল

আগ্নেয়গিরিটা নিভে গেছে,

ওরা ভেবেছিল

ওদের শাসনের বেড়া দিয়ে

আগ্নেয় অঞ্চলটাকে ওরা চিরকালের মত বেঁধে ফেলেছে,

ওরা ভেবেছিল

খবরের কাগজে আত্মসমর্পণের ছবি

আর গাঁজাখুরি কাহিনী ছেপে

বোকা বানাতে পেরেছে সবাইকে ।

কিন্তু কমরেড লেনিন বলেছিলেন :

স্থিতি দিয়ে বোকা বানিয়ে রাখা যায়

কিছু লোককে বহুদিন

কিন্তু

সমস্ত লোককে বোকা বানান যায় না কখনও ।

তাই আমরা আবার বাকুদের ভ্রাণ পেলাম—

ত্রিকিমা পাহাড়ের বুকে শুনেতে পেলাম রাইফেলের গর্জন,

সে গর্জনে উপলব্ধি করলাম নিপীড়িত মানবতার বুকের দপদপানি

শুনেতে পেলাম শৃঙ্খল ছেঁড়ার ঝনঝনানি শব্দ ।

প্রতিবিপ্লবী ছিংসার জবাবে বিপ্লবী রাইফেল যেই ধোঁয়া ছাড়ল

পাহাড়ের তল বেয়ে এখন ওদের দশটি লীতল দেহ গাঁড়িয়ে পড়ল

তখন

কাপুরুষ ধমক আর সাক্ষ্যআইনের চাবুকে

ওরা নত করতে চাইলো চির অবনত মানবতার উদ্ধত শিরকে ।

সিঁহ, ওদের আতঙ্কিত চিংকার

কমরেড মাণ্ডয়ের সেই অমর বাণীর সত্যকে আবার প্রমাণিত করলো।
 সমস্ত প্রতিক্রিয়াশীলরা কাণ্ডজে বাঘ
 দেখতে তাদের জ্যাস্ত ভীষণ
 ভেতরে খড় আর কাগজের পুর।
 নাগা মিজো পাহাড়ের সংগ্রামী বীরেরা—শাবাস !
 তোমাদের বিদ্রোহ আমাদেরও জগের রক্তিম পতাকা
 তোমাদের জয় আমাদের বিপ্লবের অগ্রগতি
 নাগা মিজো আর শ্রীকাকুলামের পাহাড়ী পাতারা একই
 সঙ্গীবতায় উজ্জল।

নিপীড়িত মানবতার উর্বর ভূমিক্ষেত্রে
 প্রতিটি বিপ্লবী বীজ হবে
 প্রতিটি বনস্পতিই নীতল চায়া ছড়াবে
 সমতলের আপ অসমতলের সংগ্রাম
 এক ধারায় মিশে যাবে।
 সেই ধারায় উদ্দাম প্রবাহকে রোধ করতে
 শত শত আশ্রয়ান বাধ নিতান্তই খড়কুটো !

অমিতদ্যুতি কুমার
এবার হাতে তুণ নিয়েছি
.....

মুখে ভয়ের তুরূপ এঁটে
পঙ্খীরাঙ্কের পিঠে চড়ে
পারে কি কেউ গোঁছে যেতে তিমির পার ?
মরতে না হয় সাধ নেইকো
বাঁচার মতো মন চাইতো
নইলে পরে বনেদঘরে বন্দী থাকে স্বপ্নচর :

এবার হাতে তুণ নিয়েছি
কাস্তে ফলায় শান দিয়েছি
মাটির পরে হাল চালাতে নেইকো আর মনের ভর
তোমরা যাও ভয়েই মরে;
পুঁথির বুকে লড়াই করো
দেখতে কি পাও দুশমনেরা পাঁচিল তুলেও জড়োসড়ো ?

সাতকন্টার রক্তসাথে রক্ত এখন ব্যববে আরো!
চুকট মুখে পাইপ ঠুকে তোমরা না হয় এবার সরো
মন্ত্রীগিরির চকমকিতে আর দিও না মোদের ফাঁকি—

হাল না দিলে খেত হয় না পোড়োমাটি
না লড়লে গাড়া যায় না নিজের ঘাঁটি

ভিত নাড়াতে বনেদ ঘরের রক্ত লাগে জানতে না কি ?

অলক সেনগুপ্ত

অনন্ত পথ

.....

দম বন্ধ করে হাঁটতে হাঁটতে
হঠাৎ বাতাসের সমুদ্র থেকে
স্বপ্ন উঠে এল
আমার ছু চোখের পাতায় ।

আবহাওয়া হালকা হয়ে এলে
দেখতে পেলাম
একটি মাত্র দরজা খোলা :
মুক্ত বাতাস
পাতার বুকে চুমু খেয়ে যায়
হৃদয়ের তাজা আনন্দগুলো
রঙে ঝলমল
দিনগুলো আবার গায়ে মেখে
প্রাণ খুলে হাসছে
হাসতে হাসতে ফেটে পড়ছে ।
বুকের পাঁজরগুলো কেটে যেতে যেতে
একটাই পপ চোখে ভেসে এল—
ঝলমল সংগ্রামী পথ ।

স্বপন মালাকার

সূর্যসাধ

আমিও তো সূর্য হতে পারি—
নিত্য ক্ষয়ে যাওয়া এ দেহটা নিয়ে
আমিও তো বাড়ের মুখোমুখি
হতে পারি ।

যতই ক্লান্তি ভীড় করুক
আমার চেতনাকে ঘিরে—
যতই হতাশা আমার হৃদয়কে
কুঁরে কুঁরে থাক—
তবুও তো আমি
সমুদ্র হতে পারি ।

আমার আকাশ থেকে
সমস্ত নক্ষত্র ঝরে গেলেও
আমার ক্ষণিক দীপ্তিটুকু বৃকে নিয়ে
আমিও তো সূর্য হতে পারি ॥

পবিত্র ভট্টাচার্য

ইয়েভতুশংকোর উদ্দেশে

.....

এক একটি ভোর বুঝি খুব অন্ধকার হয়—

কোনো আলোর রোশনাই হয়তো পারে না কর্ণিকের জন্তেও
অন্ধকারের স্বরকে ভেদ করে আলোর ফোয়ারা বিধৃত করতে ।

তেমনি একটি ভোর—উসুরির উপত্যকায়, চেনপাওয়ার মাটিতে—
দলত্যাগীরা হানা দেয় তুবারের অন্ধকারে ।

সেই যে লোকটি লড়েছিল ইয়েনানে,

যার জামার পকেটে ছিল দুটি ফটো :

ভ্লাদিমির ইলিচ লেনিন আর জোসেফ স্তালিন—

ইয়েনানের তপস্তার কঠিন মুহূর্তগুলি সে সয়েছে—

ঐ প্রিয় ছবি দুটির পরশে

আজও তেমনি ছিল দুটি হাত বুকে

চেনপাওয়ার মাটিতে—

সে ভাবতেই পারেনি—তার হৃৎপিণ্ডের

সমস্ত রক্ত উজাড় হয়ে

পকেটে রাখা ফটো দুটিকে একেবারে অম্পষ্ট করে দেবে ।

উসুরির জল লাল হলো ;

দলত্যাগীর গুলি লেনিন-স্তালিনের ছবি শতশিহ্র করে দিয়ে গেল ।

কিন্তু ইয়েভতুশংকো, তুমি নাকি শিল্পী ;

বড়াই করো তুমি নাকি বিদ্রোহী ?

কোথায় ছিল তোমার চেতনা ?

যখন, ইন্দোনেশিয়ার লক্ষ লক্ষ নিরস্ত্র গোলাপের পাপড়ি ঝরছিল

নিতান্ত অসময়ে, লাতিন আমেরিকার মানুষগুলি লড়ছিল

গুলিবিদ্ধ চে-কে স্মরণ করে

একমাত্র কি তোমার শিল্পীহৃদয় কেঁপেছিল ?
 আমেরিকার কালো মানুষগুলি যখন রক্তনদীতে স্নান করছিল
 তখন তোমার লেখনী মস্কোর ভূষারে অবরুদ্ধ হয়েছিল বুঝি ?
 ইয়েভভুশেংকো, পতন যে কত তীব্র ভয়াবহ, তোমায় দেখে বোঝা যায় ।
 যখন মেকং-এর তীরে সোনা-গলানো নারীর ঘোঁষনকে বিদ্ধ করছিল
 ইংয়াকির বেয়নেট—নাগামের তীব্র ঝলসানিতে কুকড়ে ঝাচ্ছিল
 শিশিরের মতন সন্তোজাত নরম শরীরগুলি—
 তখন কি তোমার মার্কসের কথা মনে ছিল ?

কিন্তু আমরা জানি তখন তুমি জুতোর শুকতলা চাটছিলে,
 লুটোপুটি খাচ্ছিলে, পোষা কুকুরের মতন
 তোমার সেই প্রিয় ভদ্রলোকটির পায়ের তলায়
 পৃথিবীর শিল্পী যাকে ঘোষণা করেছে গণহত্যাকারী বলে ।
 কিন্তু সোনার সোভিয়েত একেবারে শুকায়নি আমরা জানি
 মায়াকভস্কি-গোর্কির দেশে তোমার মত ভণ্ডের পদচারণা
 বেশি দিনের নয় ;
 কারণ পাভেলের দল আবার জাগবে নিশ্চয় ।
 আর আমরা,
 যুগাই একমাত্র পবিত্র বস্তু এই মুহূর্তে ।

জ্যোৎস্নাচার্য ঘোষ

বস্তুত এখন প্রয়োজন

.....

সেই হিংস্র চতুরতা ভেঙে দিয়ে চরম নির্দেশে
এবার বন্দুক তোল ; যে রকম বয়স আড়ালে
খুলে যায় লোকায়ত সময়ের দিঁড়ির কিনার
সাম্যবাদের রূপ খুঁজে পেতে দৃঢ় ।

শাস্ত্রাজ্যবাদের শেষ ধ্বংসরূপ ভেঙে ফেলে চূড়ম্বার করে
বন্দুকের নলে শক্তি—এই কথা সর্বশেষ জেনে
এবার ফেরাও অস্ত্র শত্রু চিনে প্রতি বুকে বুকে
শোষণবিহীন সেই সমাজের কাছাকাছি
ফিরে পেতে হৃদয়তা, আরাম ।

আমাদের জন্মে শুধু অবিরাম শোষণের প্লানি :
এখন সময় নেই চপল ছায়ায় বসে গল্পের আসর
এখন সময় নেই পালন করি অসহায় চরিত্রের মদ ;
তীক্ষ্ণ বুলেটের মুখে বস্তুত এখন প্রয়োজন
শ্রেণীশত্রু নিধনের কঠিনকঠোর এক দৃঢ় সংগঠন ।

রঞ্জিত গুপ্ত

জেলখানা

.....

জেলের ভেতরে যারা মারা গেলি
তোদের কি বলবো
শুধু এইটুকু জেনে রাখ
তোদের যারা মারলো
তাদের মৃত্যু হবে তোদের চেয়েও মর্মান্তিক, আরো মর্মান্তিক
তোরা তো মারা গেলি চারদিক আটকানো জেলখানায়
চার দেয়ালের অঙ্ককারে
আর ওরা, সমস্ত পৃথিবী
হাটখোলা পেয়েও
কোথাও পালিয়ে ছুড়ু বসবার সময় পাবে না
যেখানেই যাবে সেখানেই
একটু বাদেই শুনবে ক্রমশ নিকটবর্তী বহুকের কোলাহল
কাছে আসছে ধরতে তাদের
কোন দিকে যাবে তারা ?
উত্তর
দক্ষিণ
পূর্ব
পশ্চিম
সেখানেই যাবে সেখানেই
দেখবে বিশাল পৃথিবী কুঁচকিয়ে গুটিয়ে
মুহুর্তে
বিকট জেলখানা হয়ে গেছে ॥

ইল্ল চৌধুরী
ওরা জানতো না
.....

ওরা জানতো না
পাথরের বুকেও আগুন আছে ।

জানতো না
ঝরা পাতায়
বসন্ত
গোপন ইস্তাহার পাঠিয়ে দেয়—
ঝড় আসছে
সবুজের উদ্দাম ঝড় ।

তাই
যা দিতেই
পাথরের বুক থেকে
ঠিকরে পড়লো লাল ফুলকি,
ঝরা পাতার বন জলে উঠলো দাউ দাউ করে
কৃষ্ণচূড়ার ফুলে ফুলে
লকলক করে উঠলো আগুনের শিখা ।

ওরা
'দমকল দমকল' বলে চিৎকার করে উঠলো
কেননা
ওরা জানে
চোখের জলে বুকের আগুন নিভে যায়
শোক দুর্বল করে মানুষকে ।

কিন্তু

সমস্ত বন হলুদ পাতায় ভরে গেলে
শোষিতের দীর্ঘশ্বাস পুঞ্জীভূত হয়ে
ঝড়ের মতো পাকিয়ে ওঠে ঈশান কোণ
সব কিছু ওলোট পালোট করে দেয় ।

তখন

ঘৃণা ও ক্রোধ

বিদ্যুতের মতো ঝলসে ওঠে আমাদের চোখে
বুকের পাঁজরে
বজ্রের শব্দকে আমরা বাজিয়ে তুলি ফুৎকারে
ঝড়কে ছড়িয়ে দিই ঝরা পাতায় বনে বনে
ফসল ফলাবার কঠিন শপথে
মাঠে নামি হাতিয়ার হাতে

কেমনা

লড়াইকে আমরা লড়াই দিয়ে অভিনন্দন জানাই
শুধুমাত্র ধর্মঘট
বা
কালো ব্যাজ পরে নয় ।

কল্যাণী সেনগুপ্ত

ভাস্বর হৃদয়ে

.....

দরজাটা খোলা

তবু বাইরে থেকে কিছু দেখা যায় না

উকি মেয়ে দেখতো

ভিতরে আগুন জ্বলছে কিনা!

দরজাটা খোলা

ভিতরে আগুন জ্বলে

উকি মেয়ে দেখতো

সে আগুনের উত্তাপ মাথা বাবে কিনা।

দরজাটা খোলা

ভিতরে সূর্যের উত্তাপ

উকি মেয়ে দেখতো

সেই উত্তাপে বার দেহ পোড়ে

সে আমার দেহ কিনা।

মধুমিতা মজুমদার
ওরা আর কাঁদে না
.....

ওরা এতদিন মাথা হেঁট করে
তোমাদের পায়ের তলায় ছিল ;
জীবন মানে সংগ্রাম, এ কথাটা
ওদের বুঝতে দাও নি,
তাই ওদের নিয়ে যা খুঁশ
করেছিলে ।

ওরা কিন্তু এবার জীবনের মানে
খুঁজে পেয়েছে । মুক্তির আশ্বাদ
পেয়েছে হাতিয়ার তুলে ধরে ।
তোমাদের পা ছোটোকে পুড়িয়ে দেবে ;
ওদের চোখে আগুন
ওরা বুঝেছে কান্না নিয়ে বাঁচা
ষায় না । তাই, ওরা আর কাঁদে না ॥

অভীক গঙ্গোপাধ্যায়

ভোলা যায় না

অত্যাচারে বেঁকে-বাঁওয়া ধোঁহে
যারা ঘুণার ছরস্ব তীব্র জুড়ে
মাটি কাঁপিয়ে চলতো
তাদের ভোলা যায় না ।

তাদের ভোলা যায় না
ষাদের রক্তে উগ্রনদীর প্লাবন
আর হাতে
আকাশের চেয়ে উঁচু স্বপ্ন
শিশু দোলনার তালে তালে
পৃথিবীর এ মহল্লা থেকে
ও মহল্লায় ঘুরে বেড়াত ॥

এখন আমি
বলিষ্ঠ তুলির টানে
একটা নতুন শিশুর মুখ আঁকবো ,
আর
ঘুমন্তদের ডেকে বলব
শহীদের সেই উজ্জল স্বপ্নের কথা—

যে স্বপ্ন দেখতে কোন দিন ঘুমতে হয় না ॥

ধূর্জটি চট্টোপাধ্যায় জেলের গরাদ ধরে

জেলের গরাদ ধরে তবুও দাঁড়িয়ে
নষ্টপ্রাণ সন্তানের জননী,
লুপ্ত-রূপ মাংসপিণ্ড, রক্তক্লেদ হাড়-মাংস-মজ্জার গভীর হতে
চিনে নেবে সন্তানের
প্রিয়তম মুখ ।

চেনো তুমি, কে তোমার পেটের সন্তান ?
সনাক্ত করেছ
কোনটা ছেলের লাশ ?
কাকে তুমি গর্ভে ধরেছিলে ?

কাকে ভিন্ন করে বেছে নেবে
সন্তানের মা ?
একই রক্ত প্রবাহিত সকল শরীরে,
নিশ্বাসের বাতাস
একই; বারুদে বিশ্বাস
ষাদের; তাদের সমানপ্রাণ
রক্তের সমুদ্রে শুয়ে
তারা আজও মাটির সন্তান

জেলের গরাদ সর্বশূন্য, হে জননী
ভিন্ন করে
কার মুখ খুঁজে নিতে চাও ?

অমিত দাস

শীতের কোলকাতা

.....

এ আরেক শীতের কোলকাতা—

আগে কোনদিন দেখিনি

কোনদিনও দেখিনি !

সময় রক্ত দিয়ে আমার চোখ ধুয়ে দিচ্ছে,

অত্যাচারীর গরাদের আড়াল থেকে

কয়েক হাজার তরতাজা বিপ্লবী চাউনি

আমায় চোখে আঙুল দিয়ে দেখিয়ে দিচ্ছে—

এ আরেক শীতের কোলকাতা ।

এখন অশুষ্টি নির্ভীক মানুষ

পুলিশের গুলির মুখোমুখি

দৃষ্ট শপথে

রক্ত আর বারুদ দিয়ে মাতামাতি করছে,

দৃষ্টিতে আগুনে ইস্তেহার ছড়াতে ছড়াতে

ভারী কুয়াসা কাটাচ্ছে,

আমার ঘুম ভাঙাচ্ছে—

এ আরেক শীতের কোলকাতা ।

এখন অলস লুকোচুরি চলবে না,

সব থিড়কির দরজা বন্ধ ;

কালো পিচের রাস্তায় বলসে উঠছে রক্ত বিছাত;

সামনে একটাই পথ—

এ আরেক শীতের কোলকাতা ।

এর আগে কোনদিন

কোন শীতের কোলকাতা

এভাবে বৃকের রক্ত ঢেলে বলেনি—

“বসন্ত আসছে !”

আলোক বসু

তবু আলোকিত তোমার মুখ, কেননা

.....

ওরা তোমাকে ভয় দেখালো অত্যাচারের

তবু তুমি নীরব

ওরা তোমাকে ভয় দেখালো হত্যার

তবু তুমি নীরব

ওরা তোমাকে ভয় দেখালো নারীশ্বেষ

তবু তুমি নির্ভীক

লক আপের এক কোণে ধর্ষিত তোমার শরীর

তবু আলোকিত তোমার মুখ,

কেননা পৃথিবীকে তুমি ভালবেসেছ নিবিড় ভাবে

কেননা তুমি বিশ্বাস কর

ভালবাসার অপর নাম সংগ্রাম

কেননা তুমি ভালবেসেছ

তোমার সেই অন্তরঙ্গ সাথীদের

যাদের হাতে হাত রেখে

একদিন পৃথিবীর এ মহল্লা থেকে ও মহল্লা

ভালবাসার গান গেয়ে বেড়াতে

এবং বিশ্বাস কর

তাদের শোক, তাদের ক্রোধ তাদের ঘৃণায় সমস্ত উত্তম ।

ঋংসের দিব্যাস্ত্র হয়ে ছুটে যাবে

যারা তোমার ভালবাসার দরজায়

অক্ষৌহিনী সেনা সাজিয়ে বসে আছে তাদের দিকে ।

